



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/07-04-2102/25
Datum: 28.03.2025. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09), člana 42. Statuta Grada Sarajeva („Službene novine Kantona Sarajevo“, broj 7/23) i člana 21. stav (2) Odluke o izvršavanju Budžeta Grada Sarajeva za 2025. godinu („Službene novine Kantona Sarajevo“, broj 2/25), gradonačelnik Grada Sarajeva raspisuje:

JAVNI POZIV
za prijavu projekata udruženja za podršku
osobama s poteškoćama u razvoju i invaliditetom

I PREDMET JAVNOG POZIVA

Predmet Javnog poziva je dodjela finansijskih sredstava iz Budžeta Grada Sarajeva za 2025. godinu („Službene novine Kantona Sarajevo“, broj 2/25) udruženjima za podršku osobama s poteškoćama u razvoju i invaliditetom, sa sjedištem na području grada Sarajeva: općina Stari Grad Sarajevo, općina Centar Sarajevo, općina Novo Sarajevo, općina Novi Grad Sarajevo.

II FINANSIJSKA SREDSTVA

Sredstva za realizaciju Javnog poziva osigurana su u Budžetu Grada Sarajeva za 2025. godinu, u ukupnom iznosu od 150.000,00 KM.

Finansijska sredstva mogu se dodijeliti udruženjima za realizaciju projekata za osobe s poteškoćama u razvoju i invaliditetom u 2025. godini.

Finansijska sredstva ne mogu se dodijeliti za isplate plata i naknada članovima i članicama upravljačkih struktura Udruženja, zaposlenih u Udruženju, ni ugovora o djelu.

III PRAVO PRIJAVE NA JAVNI POZIV

Pravo prijave na Javni poziv imaju udruženja/fondacije (organizacije civilnog društva/nevladine organizacijama) koja u svom radu realizuju projekte iz oblasti zadovoljavanja potreba osoba s poteškoćama u razvoju i invaliditetom, a čije sjedište je na području grada Sarajeva.

IV OPĆI KRITERIJI

- Sjedište udruženja na području grada Sarajeva.
- Opravdana ranije korištena sredstva dodijeljena iz Budžeta Grada Sarajeva.

V POSEBNI KRITERIJI

- Projekti obezbjeđivanja pomagala osobama s poteškoćama u razvoju i invaliditetom,
- Projekti koji imaju za cilj poboljšanje kvalitete života osoba s poteškoćama u razvoju i invaliditetom, kroz realizaciju edukativnih i rekreativnih programa, programa unaprjeđenja socijalnih vještina, kao i programa unaprjeđenja kapaciteta i osposobljavanja osoba s invaliditetom.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



VI DOKUMENTACIJA:

1. Zahtjev s opisom projekta i finansijskom konstrukcijom, potpisan i ovjeren od strane odgovornog lica udruženja, ne duži od pet stranica teksta,
2. Izjava da je udruženje opravdalo ranije dodijeljena sredstva iz Budžeta Grada Sarajeva - ukoliko su dodijeljena (ovjerena od nadležnog organa - općina/notar),
3. Izjava da udruženje nije bilo korisnik sredstva iz Budžeta Grada Sarajeva - ukoliko sredstva nisu dodijeljena (ovjerena od nadležnog organa - općina/notar),
4. Rješenje o registraciji udruženja (kopija ovjerena od nadležnog organa - općina/notar),
5. Izvod iz Registra udruženja, ne starije od tri mjeseca (original ili kopija ovjerena od nadležnog organa - općina/notar),
6. Završni godišnji finansijski izvještaj udruženja za prethodnu godinu (dokument Bilans stanja i Bilans uspjeha), ovjeren od strane nadležne Agencije za finansijsko poslovanje (FIA) i certificiranog računovođe (kopija ovjerena od nadležnog organa - općina/notar),
7. Potvrda poslovne banke o solventnosti računa udruženja, ne starija od tri mjeseca (original ili kopija ovjerena od nadležnog organa - općina/notar).

VII ROK PODNOŠENJA PRIJAVE

Krajnji rok za dostavljanje prijave je 11.04.2025. godine.

VIII MJESTO I NAČIN PODNOŠENJA PRIJAVE

Prijava na Javni poziv dostavlja se u zatvorenoj koverti direktno ili putem pošte na adresu:

GRAD SARAJEVO
Ćemaluša 9, 71 000 Sarajevo
JAVNI POZIV
za prijavu projekata udruženja za podršku
osobama s poteškoćama u razvoju i invaliditetom
- NE OTVARATI -

Na poledini zatvorene koverta navesti: naziv udruženja, adresu i kontakt telefon.

Dokumentacija se dostavlja redosljedom kako je navedeno, mora biti uvezana spiralno, sve stranice moraju biti numerisane i potpisane i ovjerene od strane odgovornog lica udruženja. Sve dodatne informacije mogu se dobiti putem telefona: 033 221 139.

IX ODABIR KORISNIKA

Pregled prijava i dokumentacije vršit će Komisija koju imenuje gradonačelnik posebnim rješenjem. Prijava na Javni poziv mora sadržavati zahtjev s opisom aktivnosti i finansijskom konstrukcijom, potpisan i ovjeren od strane odgovornog lica udruženja i dokumentaciju propisanu Javnim pozivom. Prijave koje nisu dostavljene u skladu s naprijed navedenim, nepotpune i neblagovremene prijave neće biti razmatrane. Prijava dostavljena po Javnom pozivu ne vraća se podnosiocu prijave.

Komisija će, nakon obrade i analize pristiglih prijava, gradonačelniku dostaviti listu odabranih udruženja s prijedlogom finansijskih sredstava na potvrđivanje i donošenje konačne odluke. Gradonačelnik Grada Sarajeva će s odabranim udruženjima zaključiti ugovore o realizaciji odobrenih sredstava.

Lista odabranih udruženja objavit će se na službenoj web stranici Grada Sarajeva www.sarajevo.ba.

GRADONAČELNIK

Predrag Puharić, s.r.